



# ZDRAVSTVENA USTANOVA DOM ZDRAVLJA VELIKA KLADUŠA

Ul.Sulejmana Topića br.1 V. Kladuša tel.037 770-010; fax:037 770-021; e-mail: dom.zdr@gmail.com;www.domzdravljavkl.com;

Broj:465/22

Dana, 02.03.2022. godine

Na osnovu člana 72. stav 3. tačka a) Zakona o javnim nabavkama („Službeni glasnik BiH“, br.39/14), Rješenja Ureda za razmatranje žalbe broj: JN2-03-07-1-129-8/22 od 10.02.2022. godine, a na Preporuku Komisije za javne nabavke ZU Dom zdravlja Velika Kladuša broj: 463/22 od 02.03.2022. godine, direktor ZU Dom zdravlja Velika Kladuša donosi

## **ODLUKU**

o dodjeli ugovora drugorangiranom ponuđaču za javnu nabavku goriva za motorna vozila

### I

U otvorenom postupku javne nabavke roba- Gorivo za motorna vozila ZU Dom zdravlja Velika Kladuša, objavljenom putem Obavještenja o nabavci broj: 957-1-1-87-3-29/21 od 24.11.2021. godine, Sažetak obavještenja objavljen u „Službenom glasniku BiH“, ugovor o javnoj nabavci roba dodjeljuje se drugorangiranom ponuđaču „Drvopromet“ d.o.o. Velika Kladuša, čija ponuda je prihvatljiva i potpuna, sa ukupnom cijenom nakon provedene e-Aukcije u iznosu od 161.300,00 KM bez PDV-a.

### II

Ugovor se dodjeljuje drugorangiranom ponuđaču iz tačke I ove Odluke iz razloga što prvobitno izabrani ponuđač „Grand benz“ d.o.o. Velika Kladuša nije, pored uvjerenja izdanog od strane Suda BiH, dostavio i uvjerenje nadležnog suda prema sjedištu pravnog lica kojom dokazuje da nije u situacijama pobrojanim u članu 45.stav 1. tačka a) ZJN, zbog čega je Rješenjem Ureda za razmatranje žalbi poništena Odluka o izboru napovoljnijeg ponuđača broj :3020/21 od 27.12.2021. godine i predmet vraćen ugovornom organu na ponovni postupak i donošenje nove odluke u skladu sa Zakonom o javnim nabavkama i podzakonskim aktima iz oblasti javnih nabavki.

### III

Prijedlog ugovora dostavit će se na potpis ponuđaču „Drvopromet“ d.o.o. Velika Kladuša, po isteku roka od 15 dana, računajući od dana kada su svi ponuđači obaviješteni o odluci o dodjeli ugovora drugorangiranom ponuđaču.

### IV

Za izvršenje ove odluke zadužuje se i ovlašćuje Pravna služba ZU Dom zdravlja Velika Kladuša.

### V

Ova Odluka objavit će se na web stranici [www.domzdravljavk.ba](http://www.domzdravljavk.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

## **Obrazloženje**

U otvorenom postupku javne nabavke goriva za motorna vozila, objavljenom putem Obavještenja o nabavci broj: 957-1-1-87-3-29/21 od 24.11.2021. godine, Sažetak obavještenja objavljen u „Službenom glasniku BiH“, ugovorni organ je donio Odluku o izboru najpovoljnijeg ponuđača broj 3020/21 od

27.12.2021. godine, kojom je kao najpovoljniji izabran ponuđač „Grand benz“ d.o.o. Velika Kladuša, a na koju Odluku je ponuđač HIFA-PETROL d.o.o. Sarajevo izjavio žalbu zbog pogrešno utvrđenog činjeničnog stanja i povrede zakonskih odredbi. Ugovorni organ je izjavljenu žalbu prosljedio Uredu za razmatranje žalbi BiH, postupajući u skladu sa članom 100. stav (5) Zakona o javnim nabavkama. Od strane Ureda za razmatranje žalbi BiH Podružnica Mostar, doneseno je Rješenje broj: JN2-03-07-1-129-8/22 od 10.02.2022. godine, kojim je konstatovano da su navodi žalitelja iz predmetne žalbe djelomično osnovani, zbog čega se žalba usvaja, poništava Odluka o izboru najpovoljnijeg ponuđača broj 3020/21 od 27.12.2021. godine, te se predmet vraća ugovornom organu na ponovni postupak, u kojem će ugovorni organ postupiti po stavovima URŽ iznesenim u Rješenju i donijeti novu odluku u skladu sa Zakonom o javnim nabavkama i podzakonskim aktima iz oblasti javnih nabavki.

Predmetnim Rješenjem Ureda za razmatranje žalbi, odbačeni su kao neosnovani svi žalbeni navodi koje se odnose na potpunost ponuda ponuđača „Gand benz“ d.o.o. Velika Kladuša i „Drvopromet d.o.o. Velika Kladuša, osim žalbenog navoda koji se odnosi na ponudu „Grand benz“ d.o.o. Velika Kladuša da taj ponuđač nije dostavio potpunu dokumentaciju iz člana 45. Zakona o javnim nabavkama, odnosno da je propustio da dostavi uvjerenje izdato od strane suda prema sjedištu pravnog lica da u krivičnom postupku nije pravosnažno osuđen za krivična djela organizovanog kriminala, korupcije, prevare i pranja novca, koji žalbeni navod je usvojen od strane URŽ, zbog čega je poništena Odluka o izboru najpovoljnijeg ponuđača broj 3020/21 od 27.12.2021. godine.

Postupajući po predmetnom Rješenju URŽ, u ponovnom postupku Komisija za javne nabavke nije ponovila pregled i ocjenu ponuda obzirom da u toj fazi postupka nije ni došlo do propusta Komisije prilikom pregleda i ocjene ponuda jer su sve ponude bile potpune i kao takve su učestvovala i na e-Aukciji (do propusta ugovornog organa je došlo kasnijoj fazi, kada je nakon donošenja odluke o izboru najpovoljnijeg ponuđača prihvaćena dokumentacija iz člana 45. ZJN koju je u ostavljenom roku dostavio izabrani ponuđač, iako ista nije bila potpuna jer ponuđač nije dostavio uvjerenje suda prema mjestu sjedišta pravnog lica, a kojim ponuđač dokazuje da ispunjava uslove iz člana 45. stav (1) tačka a) Zakona). Naprijed navedeno, potvrđeno je i Rješenjem URŽ koji je odbacio žalbene navode koje se odnose na potpunost ponuda „Dvopromet“ d.o.o. Velika Kladuša i „Grand benz“ d.o.o. Velika Kladuša, a usvojen je žalbeni navod da izabrani ponuđač nije dostavio potpunu dokumentaciju iz člana 45. Zakona o javnim nabavkama. Shodno navedenom, Komisija je predložila da se umjesto Odluke o izboru najpovoljnijeg ponuđača broj: 3020/21 od 27.12.2021. godine, koju je Ured za razmatranje žalbi BiH poništio predmetnim Rješenjem u skladu sa svojim zakonskim ovlaštenjem, donese nova odluka o dodjeli ugovora drugorangiranom ponuđaču „Drvopromet“ d.o.o. Velika Kladuša, u skladu sa članom 72. stav 3. tačka a) Zakona o javnim nabavkama („Službeni glasnik BiH“, br.39/14), kojim je propisano da ugovorni organ dostavlja prijedlog ugovora onom ponuđaču čija je ponuda po rang- listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz čl.45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ.

U postupku donošenja ove Odluke, cijenjene su činjenice

- da je Komisija za javne nabavke u postupku pregleda i ocjene ponuda, pravilno izvršila ocjenu kvalificiranosti ponuđača, te ocjenu prispjelih ponuda, shodno kriterijima iz Tenderske dokumentacije (Rješenjem URŽ odbačeni su kao neosnovani navodi žalitelja koje se odnose na potpunost ponuda ponuđača „Grand benz“ d.o.o. i „Drvopromet“ d.o.o. Velika Kladuša, osim žalbenog navoda da je ponuđač propustio da dostavi uvjerenje izdato od strane suda prema sjedištu pravnog lica da u krivičnom postupku nije pravosnažno osuđen za krivična djela organizovanog kriminala, korupcije, prevare i pranje novca, a koje ponuđač dostavlja u kasnijoj fazi postupka, nakon prijema Odluke o izboru najpovoljnijeg ponuđača, u roku koji odredi ugovorni organ),

-da je uspješno okončana e-aukcija na kojoj su učestvovalе sve prihvatljive ponude (Izveštaj o toku i završetku e-aukcije od dana 27.12.2021. godine)

-da najuspješniji ponuđač „Grand benz“ d.o.o. Velika Kladuša, nakon prijema Odluke o izboru najpovoljnijeg ponuđača nije dostavio potpunu dokumentaciju kojom dokazuje da ispunjava uslove iz člana 45. stav (1) tačka a) Zakona o javnim nabavkama,

-da u skladu sa članom 72. stav(3) tačka a) Zakona o javnim nabavkama, ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz čl.45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ,

-da je ponuđač „Drvopromet“ d.o.o. Velika Kladuša na rang –listi odmah nakon ponude najuspješnijeg ponuđača „Grand benz“ d.o.o. Velika Kladuša.


U postupku ocjene provedenog postupka, direktor ZU Dom zdravlja Velika Kladuša nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Uzimajući u obzir naprijed navedeno, primjenom člana 72. stav (3) tačka a), odlučeno je kao u dispozitivu ove Odluke.

**Pouka o pravnom lijeku:** Protiv ove Odluke može se izjaviti žalba Uredu za razmatranje žalbi (URŽ), putem ugovornog organa u roku od deset (10) dana od dana prijema Odluke.

Dostaviti:

1. Svim učesnicima u postupku javne nabavke,
2. a/a.



Direktor

Prim. dr Evresa Okanović